



海國遊記



400153

62点

695.6
1

圖 一 第




影小棟國吳者著



FUDAN JFZ00000166196 复旦图书馆

305-01703

圖 二 第



校 學 務 義 關 北 塞

圖 三 第




林 森 遠 樞

第四圖




梭遠河流

第五圖



梭遠喇嘛廟

第六圖



漢明妃昭君墓

序

序——綏遠遊記

中華民國十年之夏余以調查農業教育至日本某日參觀盛岡農業專門學校見其陳列室所列種子標本類多來自吾國東三省驚問該校校長之所以然則曰吾校注意滿洲農業畢業生在該地亦夥凡此標本皆服務該地之畢業生寄來者同行留東某君且語余曰日本南部有鹿兒島專門學校者其目的專注重南洋羣島之農業與此校之注意滿洲農業蓋均表示日本農業教育者之目光四射不囿於一隅者也余聞其言深滋慚感嗟乎吾中國農業教育自肇始以至於今蓋先後已逾二十年徒以教育制度之惡劣農業專才之難得所謂農校能從事業方面着想以改良農業與服務農民為職志者尙屬罕見又何從言新農業在中國之功效東大農科成立於民國六年自始即欲發憤一革新吾國之農業教育過去之九年其事業全在延攬人才與寬籌經費俾得以試驗研究方法從事於一部分農業問題之解決今幸所謂一部分農業問題者如棉如稻麥如農具如蠶桑如蟲害如病害皆得有相當之解決今後之本科問題將注重以下三事（一）寬籌經費并主張提倡良好之農事推廣組織俾各

專家已解決之問題得以普及於農民而收實效(二)寬籌經費與增聘專門人才使各種研究試驗事業不特能繼續進行且須擴大其範圍(三)寬籌畢業生出路所謂畢業生出路者大致有二(甲)爲務農者服務如農場技師農校教員農業行政等人員皆直接間接爲農民服務者也(乙)自行務農即畢業生自行租田或購地經營農業是也本年本科畢業生在蘇省從事組織棉場者近十人不可爲非一良好現象特內地地少人多遠不及西北地多而價特廉故本科組織西北農墾調查團意在使各生知西北農墾前途希望之大引起其畢業後服務西北農業之興趣且爲後來者之觀摩同行有教授六人所以備諸生之釋疑解惑攷察事畢團員吳君國棟出其日記見示記載詳明益足見其攷察之注意此篇特聊述所懷藉以答吳君索序之約

鄒秉文 民國十五年正月二十八日

序

嘗謂文字之著述除科學之專作以外最足以經世而垂久遠者莫過於史傳及遊記史傳所以示古今之得失備後世之借鑑遊記所以載民情之盛衰供社會之參考較諸文士騷客怡情悅性之詞章名流學子鼓吹主義之論說誠不可以同日而語也余平生好讀史傳及遊記之作而懶於執筆拙於文字自著則甚少十五年前負笈新大陸足跡幾遍北美疆域之半又賭巴拿馬賽會之盛而無系統之報告七八年來跋涉於大江南北親歷北省旱災之域考察棉產中心之農業狀況而又未嘗爲詳細之記載去年夏復以厭居東南發憤爲西北之遊出發之初私念西北之開發關係於國計極大西北之經營有待於實業家之輻輳決有所記述以供社會之參考乃遊歷之際精神困倦歸後又以科務繁劇歷半載而未能如願言念及此憾也何如舊弟子吳君國棟以其所著綏遠遊記稿示余曰此國棟於去夏偕東大西北農墾調查團赴察綏游歷之記載將以什梓遺贈諸友以省通信之煩并以彌流而不詳之歎焉余披閱之下深贊其記載翔實不尙誇張之談立言簡直絕少詭麗之辭吳子車轍所至較余廣

序——記 遊 遠 綏

三分之一故記載亦較詳余深信吳子之作不惟吳子之友得之有宛如攜手同行之樂卽吾之友亦將先睹爲快不惟今日有志開發西北之諸實業家可以爲施業之參考卽數百年之後亦必有據此以追溯發軔之情形而論其得失者故樂而爲之序

中華民國十五年一月十五日梁溪過探先識於南京金陵大學之農林學院

序

西北地而遼闊土美草肥農林畜牧莫不相宜顧以居民稀少墾殖無人坐令膏腴荒廢寶藏未興殊爲可惜年來憂國者每感內地人滿爲患盛倡移邊墾殖之論卒以障礙滋多未能實行卽有一二熱心之士思欲前往又以爲邊地瘠瘠水冷草枯裹足不前興念及此良堪浩歎東大農科諸君子抱開發西北實業宏願於是自綏遠農墾調查之行吾友吳君國棟亦與焉並將該地之風土人情詳爲記載歸而編爲綏遠遊記一書吾知是編一出則向之退縮不前者必爭先恐後勇往經營矣是此編之作實開發西北之先聲若以普通遊記視之則有負作著苦心矣

民國十五年一月蕭縣尹聘三序於金陵客寓

序

國人知東南爲富庶之區而不知西北有廣大富源也久矣故語及東南無不欣然嚮往西北則畏縮不前詎知東南富庶已羅掘俱窮西北財源未闢特知之者尠趨之者寡遂致利棄於地耳同里吳君國棟客秋自綏遠調查農墾歸行程四千餘里當風塵僕僕之際而猶從事於著述成三萬餘言之遊記凡君足跡所至觀察所及一一記述其教育實業風俗民情尤詳其地土之豐肥使國人知西北富源之有待於開發刻不容緩以興起吾人殖民拓業之志意至善也讀書既竟因喜而爲之序

民國十五年一月十六日溧陽芮逸夫

序

余賦性好遊每苦無緣不果如願良憾事也偶見他人遠遊輒欣慕之迨其既返必叩以某地風土人情禮俗物產倘將見聞所及而俱告之則喜不自禁若有所得然余兄國棟客秋有西北之行南旋後嘗致書於家第覺冗駕喘定百務叢脞卒倉陳報未能盡其詳耳今自漢皋歸省道出江甯適余兄所撰綏遠遊記脫稿將付手民以之示余見其所載西北地而遼闊土質膏腴居民稀少物產豐饒雖東南宮庶之區無有出其右者熱心墾殖之士其往圖之此余兄之願也恭誦之餘敬爲之序

民國十五年一月二十二日弟國樑識於秣陵

綏遠遊記——詩

詩(一)

吳梅霜厓

大利紛紛議拓邊計臣偏不出康乾中原空有齊民術坐令膏腴變石田
澤國頻年大有秋塞鴻絕少稻梁謀雲車一夕通西域此是平生最壯遊

詩(二)

范彥矧

大漠周流地可鋤吾農絕學在河渠羸灰而後三千載再見人間種樹書

詩(三)

南通沙宗炳

虎帳曾聞款遠賓鴻篇讀罷倍馳神羨君萬里鞭先著附驥無緣歎後塵
欲從關外闢初基萬世當崇稼穡師國譽可堪稱老大立名好趁少年時

西北遊記

自序

民國十四年夏東南大學農科於暑期中有綏遠農墾調查之議農藝系諸君子志存開發西北欣然願往先期推馮梯霞先生與馮玉祥將軍接洽將軍蒞任未久力謀開闢富源移民實邊以固疆圉刻正延聘專家襄贊肇劃聞同人前往熱烈歡迎先生滿意南旋報告於農科聚款會主任鄒秉文先生爲發展西北農墾起見力助此舉提議於教授會一致可決同志之願往者酌予資助諸師長提倡之熱忱於斯可見棟久欲作西北之遊苦無伴侶未能如願今有此良機安忍交臂失之迺請於當道乞假二月得附驥末快何如之抵西北以來日追隨於師友之後專力農墾調查兢兢業業未嘗稍怠結果如何專篇貢獻因鑒於西北之氣候風土人情習俗迥然與內地不同爰於調查之餘不揣謏陋謹就見聞所及拉雜記之諒亦關心西北諸君子所樂聞歟是爲序

記 遊 遠 綏——序 自
中華民國十四年雙十節後五日溧陽吳國棟識於金陵旅次思齋

緒言

綬 遠 遊 記 緒 言

棟自綬遠歸來各地師友馳函垂詢西北情形者日必數起幾於答不勝答且語焉不詳至好吳君光西囑將遊記藏稿印刷成書以作瓊瑤之報不敢過方友命遂獻拙焉適籌備江蘇第三屆物品展覽會事往來馳逐席不暇暖幸承江甯王 殿撰吳江李宗舜兩先生爲之抄錄太倉張受之蕭縣馮沛二兩先生爲之校訂鄒秉文過探先尹聘三芮逸夫諸先生賜以序文吳瞿安范彥矧沙宗炳三先生錦以嘉章嘉興張鍾臨先生贈以攝影此書之成諸先生贊助實多謹致謝悃惟倉卒付印未及精校錯誤之處在所難免如蒙指正尤所感激

中華民國十五年一月十八日吳國棟補識於蔣州學稼軒